

TA TATOU TAVINIRAA I TE BASILEIA

ATO PA 2013

HEBEDOMA O TE 14 NO ATO PA

Himene 32 e pure

□ Haapiiraa Bibilia a te amuiraa:

jr pene 15 par. 7-12 (30 min.)

Porotarama mono: *fy* pene 16 par. 6-12 (30 min.)

□ Haapiiraa no te taviniraa Kerisetiano:

Taioraa Bibilia: Philipi 1–Kolosa 4 (10 min.)

N° 1: Philipi 3:17–4:9 (4 min. aore ra iti a’e)

N° 2: E mea tano anei ia faarue i te haapao-
raa a te metua?—*rs* api 146 par. 5–api 147
par. 2 (5 min.)

N° 3: E nafea te pure e tauturu ai ia tatou
ia patoi i te mau faahemaraa?—Luka 11:9-13;
lak. 1:5 (5 min.)

□ Putuputuraa no te taviniraa:

Himene 68

15 min: Ei nunaa rau, te faahanahana ra to
tatou tahoê ia lehova. Oreroraa parau i nia i
te buka *Organisés* api 165 paratarafa 2 e tae
atu i te api 168 paratarafa 1. A ani i te feia e
faaroo ra ia faatia i te tahi tupuraa o ta tatou
mau papai e faaite ra e nafea te tahoê e te here
o te mau lte no lehova e faahanahana ‘i i te
Atua.

15 min: “E operehia te *Parau apî o te Basi-
leia* n° 38 i Novema!” Uiraa e pahonoraa. A
horoa hoê *Parau apî o te Basileia* n° 38 i te ta-
toaraa. A ani i te tiaau no te taviniraa i tei fa-
nanohia no te opere i te reira i roto i te tuhaa
fenua ‘toa a te amuiraa. Ma te hoho’a faaite-
raa i te api 4, a rave i te hoê faahi’oraa poto
no te faaite e nafea ia pûpû i te *Parau apî o
te Basileia*.

Himene 53 e pure

E operehia te *Parau apî o te Basileia* n° 38 i Novema!

¹ Noa ‘tu e e haapaoraa ta te taata, e eni-
mi te pohe no te taatoaraa. (Kor. 1, 15:26) E
rave rahi te uiui nei eaha te tupu i muri a’e i

1. Eaha te mau uiraa ta te taata e uiui nei e e na-
fea te reira e pahonohia ‘i i te ava’e Novema?

te pohe e e nehenehe anei e farerei faahou i
tei faarue mai. Hoê ava’e te maoro, e opere te
mau amuiraa na te ao nei i te *Parau apî o te
Basileia* n° 38, “E tia faahou iho â anei te feia
pohe?” E haamata tera opereraa taa ê i te 1 no
Novema. I muri a’e i te reira, e faaohipahia te
Parau apî o te Basileia n° 38 ei api parau no te
taviniraa.

² **Mea nafea te reira i te faaineine-raa-
hia?** E nehenehe e tufetu i te *Parau apî o te
Basileia* n° 38 na te roaraa. I te api matamua,
no te haafururi i te taata, te vai ra te uiraa,
“E parau anei oe . . . e? eita? peneia’e?” Ma te
huri i te api, e ite oia i ta te Bibilia e parau ra e
te auraa o te parau fafau Bibilia no ‘na. E hi’o
atoa paha oia i te mau tumu e nehenehe ai o
‘na e tiaturi i te reira. Ia hinaaro te taata e ite
atu â, ua tuuhia te tahi atu uiraa e titau-mani-
hini-raa i te api hopea o te *Parau apî o te Basi-
leia*.

³ **E nafea ia opere?** E tua teie opereraa i
tei ravehia na no te pûpû i te mau titau-mani-
hini-raa no te Oroa haamana’oraa e tairuru-
raa mataeinaa. E faaite te mau matahiapo e
nafea ia opere i te reira i roto i te tuhaa fenua
‘toa a te amuiraa ia au i te rata o te 1 no Epe-
rera 2013. E mea iti anei te tuhaa fenua a ta oe
amuiraa? E oaoa paha ia to te mau amuiraa
tapiri e poro nei i roto i te tuhaa fenua rahi a’e
i te tauturu ia outou. Ia tae atu te mau *Parau
apî o te Basileia* n° 38, a rave noa i tei hinaa-
rohia no te hebedoma no te opere na mua roa
i te tera e tera fare e i muri a’e, i te vahi taata.
Ia oti te opereraa hou te hopea ava’e, e nehe-
nehe e horoa i te mau papai e pûpû i Nove-
ma. I te Mahana maa matamua, e haafaufaa
na mua tatou i te opereraa o te *Parau apî o te
Basileia* i te haamataraa i te haapiiraa Bibilia.
I te hopea hebedoma, ia tano, e pûpû atoa ta-
tou i te mau vea. E faanaho anei oe ia oe no te
apiti i tera opereraa taa ê?

2. Mea nafea te *Parau apî o te Basileia* n° 38 i te
faaineine-raa-hia?

3. E nafea ia opere i te *Parau apî o te Basileia*
n° 38?

HEBEDOMA O TE 21 NO ATOPA

Himene 33 e pure

□ Haapiiraa Bibilia a te amuiraa:

jr pene 15 par. 13-20 (30 min.)

Porotarama mono: *fy* pene 16 par. 13-18, tumu parau tarenihia api 191 (30 min.)

□ Haapiiraa no te taviniraa Kerisetiano:

Taioraa Bibilia: Tesalonia 1, 1–Tesalonia 2, 3 (10 min.)

N° 1: Tesalonia 1, 2:9-20 (4 min. aore ra iti a'e)

N° 2: Eaha te haapii mai i te mau ohipa maitai e ino a Solomona?—Roma 15:4 (5 min.)

N° 3: Eaha te mana'o o te Bibilia no nia i te eukumene aore ra tahoêraa o te mau pūpū faaroo?—*rs* api 147 par. 3—api 148 par. 3 (5 min.)

□ Putuputuraa no te taviniraa:

Himene 125

15 min: Eaha te haapii mai? Aparauraa. A taio i te Mareko 1:40-42, Mareko 7:32-35 e te Luka 8:43-48. A hi'opoa e nafea teie mau irava e tauturu mai ai i roto i te taviniraa.

15 min: "A faaohipa i ta tatou reni no te haapii i ta outou tamarii." Uiraa e pahonora. I te paratarafa 3, a faaite i nia i te reni ihea e rave mai ai i te "Parau Aratairaa no te mau metua" e a horoa i te tahi mana'o o te reira. I te paratarafa 4, a ani i te mau utuafare e mea nafea ratou i faaohipa 'i i ta tatou reni haamanahia no te haamoriraa utuafare.

Himene 88 e pure

A faaohipa i ta tatou reni no te haapii i ta outou tamarii

¹ No te taata atoa ta tatou reni Internet. I nia jw.org, te vai ra te tuhaa "Tamarii." (A pata i nia Te Bibilia e outou > Tamarii [reo Farani].) E tauturu te reira i te tamarii e na metua ia vai piri noa a haafatata 'tu ai ia Iehova. (Deut. 6:6, 7) E nafea ia faaohipa i te reira no te haapii i ta oe tamarii?

² **A faatano:** Mea taa ê te mau tamarii atoa.

1. E tauturu te tuhaa "Tamarii" o ta tatou reni ia aha?

2. E nafea ia maiti i te tano i ta oe tamarii?

(Kor. 1, 13:11) E nafea ia maiti i te tano i ta oe tamarii? A uiui, 'Eaha te mea anaanatae no ta 'u tamarii? E taa anei oia i te anihia? Ehia rahiraa taime e faataa no te reira?' No te tamarii mai te toru matahiti e iti a'e, e faaohipa paha oe i te mau aamu o te tuhaa "Ta 'u pehepehe Bibilia" (reo Farani) o ta tatou reni. No te tahi atu utuafare, mea au na ratou te mau faatiaraa o te tuhaa "A haapii i ta outou tamarii" (reo Farani). A hi'o atoa i to muri nei mau mana'o.

³ **No te haamoriraa utuafare:** E tauturu teie tuhaa i na metua ia haapii i ta raua tamarii. A rave mai i te "Parau aratairaa no te mau metua" (reo Farani) no te ite e nafea ia faaohipa i te tuhaa taitahi e tano no te haamoriraa utuafare. A rave mai i te hoho'a e a haapii i te tamaririi ma te ani atu ia ohipa i nia i te mau aamu e i te mea paari atu ia hi'opoa i te reira e ia huti mai i te haapiiraa. Ua taahia te mau ohipa 'toa o te tuhaa taitahi i te hoê aamu aore ra haapiiraa Bibilia. Noa 'tu e e ere hoê â matahiti to te mau tamarii, e nehenehe iho â te taatoaraa e apiti i te haamoriraa utuafare.

⁴ **Ia riro oe ei hoa no Iehova:** E tauturu te mau video, himene e hautiraa o teie tuhaa (reo Farani) o ta tatou reni i te mau metua ia haapii i te Parau a te Atua i ta ratou mau tamaririi. (Deut. 31:12) Noa 'tu e e mea poto te video, e haapiiraa faufaa mau te huti mai. Te vai atoa ra te mau hautiraa no te haapapu atu â i te haapii mai. Mea au na te tamarii ia himene e e ravea 'toa te reira no te haamana'o i tei haapiihia. No reira e tuu-tamau-hia 'i i nia i te reni te mau himene o te Basileia e te tahi atu tei papaihia no te mau tamarii.

⁵ E te mau metua, te hinaaro ra Iehova ia riro outou ei mama e papa maitai. A ani ia ia 'na e nafea ia haapii i te parau mau i ta outou tamarii. (Tav. 13:8) Ma te turu a Iehova e nehenehe ai e haapii i ta outou tamarii i te mea "e paari ai [ratou] e tae noa 'tu i te ora i te faaroo i te Mesia ra ia Iesu."—Tim. 2, 3:15; Mas. 4:1-4.

3. E nafea na metua e faaohipa maitai ai i te tuhaa "No te haamoriraa utuafare"?

4. Eaha te itehia i roto i te tuhaa "Ia riro oe ei hoa no Iehova"?

5. No te aha e mea tia 'i ia ani te mau metua i ta Iehova turu no te haapii i te parau mau i ta ratou tamarii?

HEBEDOMA O TE 28 NO ATOPA

Himene 31 e pure

□ Haapiiraa Bibilia a te amuiraa:

j/ api 3 e Haapiiraa 1-2 (30 min.)

□ Haapiiraa no te taviniraa Kerisetiano:

Taioraa Bibilia: Timoteo 1, 1–Timoteo 2, 4 (10 min.)

Haamana’oraa o te Haapiiraa no te taviniraa Kerisetiano (20 min.)

□ Putuputuraa no te taviniraa:

Himene 61

5 min: “Eaha ta oe e rave i te mau mahana faaearea ohipa?” Oreroraa parau.

10 min: A faaite i te fauafaraa o te parau apî oaoa. Aparauraa i nia i te buka *École du ministère* api 158 paratarafa 4 e tae atu i te api 159 paratarafa 3. A rave i te hoê faahi’oraa e faaite ra e nafea ia pûpû i te buka *Bibilia haapii* ma te faahiti i te tahi tupuraa e haapeapea ra i te taata i roto i te tuhaa fenua.

15 min: Te fauafaraa ia haapao i te hora. Aparauraa. (1) E mea haapao lehova i te hora, e nafea oia e riro ai ei hi’oraa maitai no tatou? (Hab. 2:3) (2) E nafea lehova e vetahi ê e faaturahia ‘i ia tae tatou na mua ‘‘e i te hora i roto i te taviniraa e i te mau putuputuraa? (3) Ia mairi te hora a tae ai tatou i te putuputuraa no te pororaa, e nafea te taeae faatere e to te pûpû pororaa e haafifihia ‘i? (4) Ia faataa tatou i te hora e farerei ai i te tahi taata aore ra pahi Bibilia, no te aha e mea faufaa ‘i ia haapao i te reira? (Mat. 5:37) (5) Eaha te tauturu mai ia haapao i te hora o te mau putuputuraa e fareireira i roto i te taviniraa?

Himene 69 e pure

Haamana’oraa o te Haapiiraa no te taviniraa Kerisetiano

E hi’opoahia teie mau uiraa i te hebedoma o te 28 no Atopa 2013.

1. Ia aha tatou e noaa ‘i ‘te mana’o o te Mesia’? (Kor. 1, 2:16) [2 no Tet., w11 1/3 api 14 par. 16]
2. E nafea te mau Kerisetiano e ‘maue ê ai i te faaturi’? (Kor. 1, 6:18) [2 no Tet., w04 1/3 api 11 par. 15]

3. A na ô ai e “ia mamu noa ta outou mau vahine” i roto i te amuiraa, eaha ta Paulo i hinaaro e parau? (Kor. 1, 14:34) [9 no Tet., w12 1/10 api 9, tumu parau tarenihia]
4. E nafea te mau matahiapo e pee ai i te Korinetia 2, 1:24 i teie mahana? [16 no Tet., w13 15/1 api 27 par. 2-3]
5. E nafea e pee ai i te aratairaa o te Korinetia 2, 9:7? [23 no Tet., w03 1/12 api 30 par. 17; w90 1/12 api 18 par. 11-12]
6. No te aha e mea maitai ai ia haapao i te a’oraa a Paulo i roto i te Galatia 6:4? [30 no Tet., w12 1/12 api 21 par. 18]
7. E nafea ia faaohipa i te a’oraa ‘ia vai â te au tahoê a te varua’? (Eph. 4:3) [7 no Ato., w12 1/7 api 28 par. 7]
8. Eaha to Paulo mana’o i te mau mea ta’una i faarue? (Phil. 3:8) [14 no Ato., w12 1/3 api 27 par. 12]
9. Eaha te auraa o te a’oraa: “Eiaha tatou e taoto mai te tahi paeau ra”? (Tes. 1, 5:6) [21 no Ato., w12 1/3 api 10 par. 4]
10. Mea nafea to Iesu pohe i riro ai ei tusia faito no te hoo? (Tim. 1, 2:6) [28 no Ato., w11 1/6 api 17 par. 11]

Eaha ta oe e rave i te mau mahana faaearea ohipa?

I te mau mahana faaearea ohipa, oroa anei na te haapaoraa aore ra na te hau, eita te rahiraa e rave i te ohipa. E taime maitai ia te reira no te poro. Te faaitoitohia nei te mau matahiapo o te mau amuiraa ia rave i te faanahoraa taa ê no tera mau taime. I roto i te tuhaa fenua, e rave rahi paha te taoto maoro, e mea maitai a’e ia ia faatano i te hora o te putuputuraa no te pororaa. Ia ravehia te tahi faanahoraa apî no te poro i te mau mahana faaearea ohipa, e horoahia paha te tahi parau faaara i te Putuputuraa no te taviniraa a faaitoitoitu ai i te taatoaraa ia apiti atu. E faafaea aore ra e haapao iho â tatou i ta tatou iho mau ohipa. No te aha râ e ore ai e faaherehere i te taime no te poro i tera mahana? Ma te apiti i te taviniraa mo’a, e itoitohia e e oaoa ‘toa oe.—Mat. 11:29, 30.

HEBEDOMA O TE 4 NO NOVEMA

Himene 116 e pure

□ Haapiiraa Bibilia a te amuiraa:

jl Haapiiraa 3-4 (30 min.)

□ Haapiiraa no te taviniraa Kerisetiano:

Taioraa Bibilia: Tito 1–Philemona (10 min.)

Nº 1: Tito 2:1-15 (4 min. aore ra iti a'e)

Nº 2: Mea faufaa anei ia faaô i roto i te hoê faanahonahoraa faaroo?—*rs* api 149 par. 1-5 (5 min.)

Nº 3: No te aha eiaha 'i "e haapao i te fabula"?—Tim. 1, 1:3, 4; Tim. 2, 4:3, 4 (5 min.)

□ Putuputuraa no te taviniraa:

Himene 95

10 min: Mana'ô tauturu no te pûpû i te mau vea i Novema. Aparauraa i nia i teie mau uiraa: la nehenehe, no te aha e tia 'i ia pûpû i te mau vea i te hopea hebedoma a opere ai i te *Parau apî o te Basileia* n° 38? Eaha te taimetano no te na reira? Ia oti te *Parau apî o te Basileia* i te horoahia, eaha te parau no te pûpû i te mau vea? No te faaite e nafea ia na reira, a rave e piti faahi'oraa, hoê no te vea taitahi.

10 min: Hinaaro o te amuiraa.

10 min: E mea puai te Parau a te Atua. (Heb. 4:12) Aparauraa i nia i te *Annuaire 2013*, api 57 paratarafa 1 e tae atu i te api 60 paratarafa 1. A ani i te feia e faaroo ra eaha te haapii mai.

Himene 114 e pure

Parau faaara

■ Papai e pûpû i **Atopa:** *Te Pare Tiairaa* e *A ara mai na!* **Novema:** Opereraa taa ê o te *Parau apî o te Basileia* n° 38, "E tia faahou iho â anei te feia pohe?" Ia operehia te reira i te taata e i te mau vahia atoa o te tuhaa fenua a te amuiraa, e nehenehe e pûpû i te mau papai *Eaha ta te Bibilia e haapii mau ra?* aore ra *E hinaaro anei oe e ite i te parau mau?* **Titema:** *Eaha ta te Bibilia e haapii mau ra?* aore ra *E hinaaro anei oe e ite i te parau mau?* **Tenuare:** *E ara!, Faaroo i te Atua, Faaroo i te Atua no te ora e a muri noa 'tu, Parau apî oaoa a te Atua.*

Hoho'a faaiteraa

Parau apî o te Basileia n° 38

"Te hinaaro nei au e horoa 'tu i teie api parau e faaite ra i te hoê poroi faufaa mau. Te operehia ra te reira na te ao atoa nei. Teie ta oe."

Nota: A haapoto noa i ta oe faaiteraa ia operehia te reira i roto i te tuhaa fenua atoa. Ia hinaaro râ te taata fare e tauaparau, a ani atu i to 'na mana'ô no nia i te uiraa o te api matamua. I muri iho, a huri i te api e a taio i ta te Bibilia e parau ra. Ia taimehia, a hi'opoa i te hoê tuhaa o te api parau. Hou a vaiiho atu ai, a faaite i te tumu parau "A feruri na" i te api hopea e a faataa i te mahana e hi'opoa 'i i te reira.

TE PARE TIAIRAA Novema – Titema

"E rave rahi taata te uuii nei no te aha te Atua e vaiiho noa 'i i te mauui. Tera 'toa no oe? [A vaiiho ia 'na ia pahono.] Te fafau ra te Bibilia e i te hoê mahana e ore te pohe e te mauui. [A taio i te Apokalupo 21:4 e a huri i te api 12.] Te faataa ra teie vea e pae tumu e mauui ai te taata e i ta te Atua e rave no te faaore i te reira."

Aaramaina! Novema – Titema

"Ua ite anei oe i teie faaararaa a te Bibilia? [A taio i te Levitiko 19:31.] Eita vetahi e faatupu i te oroa Halloween no tera tumu Bibilia. No te taata aita e tiaturi e te vai mau ra te demoni, e oroa arearea noa te reira. E oe, eaha to oe mana'ô? [A vaiiho ia 'na ia pahono.] I te api 4, e ite oe nohea mai te oroa Halloween."

Parau faahiahia o te taviniraa

Ua tapao te hoê taeae e ta 'na vahine ia raua no te onoraa o te Haapiiraa Bibilia no te mau taeae faaipoipo e ta ratou vahine. I te Piha tairururaa i Bressols, i Toulouse (Farani), mai te 30 no Me e tae atu i te 28 no Tiurai 2013, e haapiiraa faahiahia mau ta raua e fana'ô i na ava'e e piti. Ia ho'i mai na hoa faaipoipo, e riro raua ei pionie taa ê aore ra no te taeae, ei tiaau ratere.

Ua faanaho te tahi taeae taa noa ia 'na no te apiti i te 40raa o te Haapiiraa Bibilia no te mau taeae taa noa. E tupu te reira i te 21 no Atopa e tae atu i te 15 no Titema 2013 i te Piha tairururaa i Bressols, i Toulouse. Ia ho'i mai, e riro oia ei pionie taa ê.

